

و امرم شوری بینم

اعلای دین

تخلیص وطن

وقایع

۱۳۱۴ سر

(شورای امت)

نومرو ۱۸

سنة ۲

آبونه بدلی : هریر ایچون سه کی آلتش غروشدور .

(بازار ایرتسی کونلری نثر اولتور)

آدره سمز :

داخلده بولنان ارباب غیرت وحیته نثر و تعمینی
تعهد اینتدیکی حالده مجاناً ده کوندریلور .

نه ممکن ظلم ایله بیداد ایله احای حربت
چالیش ادراکی قالدیر مقتدره ک آدمیتدن

قانون اساسی

صندوق البوسته نمرة « ۳۳۰ » مصر القاهرة .

CANOUN-I-ESSASSI

BOITE SPECIALE

N 330

CAIRE, EGYPT.

کال

مدیر مسئولی :

ص . جمال

نسخه سی (غروشدور

۲ صفر سنة ۱۳۱۶

عثمانی اتحاد و ترقی جمعیتک مروج افکاریدر

۱۰ حیزران سنة ۱۳۱۴

ملت عثمانیه نك و خصوصاً امت محمدك شوصوك سنه
لرده اوغرا ديني فلاكتدن ناشي مظلومين نامنه فرياد
وعالم انسانيت واسلا ميتدن استمداد ايلمكده بولنش
اولديقتدن محوري احمد زكي بك ائقدي بي بالخاصه
تيريك ايدر . ومنافع عثمانيه واسلايه ايجون امثالك
تكثيرني جناب حقدين تقي ايلرز .

[*] منظمه

گوردك وطني اسير آفات
ظالمه ائمه دك معاشات
چكده نجه ناروا مجازات
فترات

اولدي بزه مقصد ومكافات
حریت ، اخوت ومساوات

برقائلي بي كورمه دن حكمران
اهون كور و نورمزار نيان
خاتلمه چيكنه نيلىدى قرآن [*]
فترات

اولدي بزه مقصد ومكافات
حریت ، اخوت ومساوات

حق سون اتحاده باقسين
آتي بي عدالته ير اقسين
كوز ياشلري ال ويرر قان آقسين
فترات

اولدي بزه مقصد ومكافات
حریت ، اخوت ومساوات

منظمه

امامت وخلافت رساله مسندك

• ما بعد •

بوقولنز اقوال امتدن خارج اولماز . بلکه اقوال امتك
برقولي اختيار واوقولك محنتي حجت قاطعه ايله اثبات
ايتش اولور . ويو صورتله شوال اول دنخي مندفع
اولور . سوال ثاني به كلنجه بوده مندفعدر . زيرامعتضار
طرقتدن ذكر اينديكمز وجوهك هيسي ضعيف اولوب
بزم كندى مدعائى اثبات صددنده آيان ايلديكمز
دليل ايسه برهان قاطعدر . بونكله برابرز معترض
طرقتدن ذكر اينديكمز وجهله آلترندن دهاقوي وجوه
ايله ده معارضه ايدرز .

[*] (ماش) اولقي اوزره سويلشدر .
[**] (ياخود) مائزده . ملت آغلايور قان

اولا — اهل حل وعقد اولان علما ومجتهدين اجماع
ايتديلر كه اكر امرا وسلاطينك امر ايندكلى شينك
حق وصواب اولدينى دليل ايله معلوم اولورسه اوزمان
آنلره اطاعت واجب اولور . بودليل ايسه ياكتاب
يعنى قرآن وياخود سنتدر . ايندى امرا وسلاطينك
امر ايندكلى شينك حق وصواب اولدينى كتاب
وسنت ايله معلوم اولدقده آنلره اطاعت واجب اولنجه
يو اطاعت كتاب وسنته والله ورسولنه اطاعتدن آيرى
برقم اولماز . بلکه آنده داخل اولور . زوجنه
زوجنه والدك والدينه تلميذك استاذه اطاعتى آنده يعنى
الله ورسولنه اطاعتده داخل اولدينى كي بناء عليه
« اطيعوا الله واطيعوا الرسول » بيورلدقندن صوكره
واولو الامر منكم بيورلمنه لزوم قالماز . اما اكر بز
اولو الامر اهل اجماعه حل ايدرسك آنلره اطاعت
الله ورسولنه اطاعتده داخل اولماز . چونكه : بعضاً
اجماع امت برحكم شرعي به دلالت ايدركه كتاب وسنتده
او حكمه دلالت بولماز . بو تقدير جهه شوقسى يعنى :
اولو الامر اطاعت قسمي الله ورسولنه اطاعت
قسملردن آيرى قسم قيلمق ممكن اولور . بو ايسه
(شائبه تكرار دن خالي اولغله) اولي وراجحدر .

ثانياً — « واولي الامر » قولى امرا وسلاطينه حل
اولور . بوجل آيت كرمه ده بعضي شروط داخل ايتضا
ايدر . يعنى : نظم كريم « واولو الامر منكم ان كانوا مع
الحق » تقديري اولقي لازمكدر . زيرا اكر امر حق الزام
ايدرو حق وصواب اولان شي امرا ايلر ايسه او وقت
كنديلرينه اطاعت واجب اولور . حالبوكه بز بوقولى
اهل اجماعه حل ايدرسك يعنى : اولو الامر دن
مراد اهل اجماعدر ديرايسك آيت كرمه ده بويله
بر شرطى ادخال وتقديره لزوم قالماز . آيت كرمه يي
ممكن اولدقجه تقديرات وعذوقانند مصون ومحفوظ
قيلمق ايسه اولي وراجحدر .

ثالثاً — الله ورسولنه اطاعت قطعياً واجب اولدينى
كجي بزم عندمزمده اهل اجماعه ده اطاعت قطعياً
واجبدر . حالبوكه امرا وسلاطينه اطاعت قطعياً واجب
دكل بلکه آنلره اطاعت اكثراً حرامدر . چونكه
آنلر اكثراً انجق ظلم ايله امر ايدلر . واقما بعض
موادده يعنى امر ايندكلى شينك حق وصواب
اولدينى تقدير جهه آنلره دنخي اطاعت واجب ايسه ده
بو وجوب بر ظن ضعيفه مبتنيدر . بناء عليه
آيت كرمه ده كي اولو الامر اهل اجماعه حلى
اولي وراجحدر . چونكه جناب حق رسول ايله
اولو الامر اهل لفظ واحد ده جمع ايدرك يعنى
هر ايكسینه ده اطاعت واجب اولدينى بر جمله ده

درج ايليرك « واطيعوا الرسول واولو الامر منكم »
بيورمزدى . اويله ايسه « الرسول » لفظه مقارن
اوله رق ذكر اولتان « اولو الامر » لفظي معصومه
حل فاجر وفاسقه حملدن اولي وراجح اولدي .
راباً — امرا وسلاطينك ايشلري علمانك
فتوالرينه متوقف اولديقتدن حقيقت ونقش الامر
ده علباه امراء الامرا در . بناء عليه اولو الامر
لفظي علمانه حل اولي وراجحدر . رافضيلرك
ديكلى كجي بوراده كي « اولو الامر » لفظي
ائمه معصومه به حل ايتك دنخي بروجه آتي وجوه
ثله به بناء غايت ببيددر .

وجه اول — بالاده ذكر اينديكم وجهله ائمه
معصومينه اطاعت آنلري بيلمك وكنديلرينه .
وصلت ومقارنته مقتدرن اولقي ايله مشروطدر . بناء
عليه اكر ائمه مذكوره يي بيلمه دن اول آنلره
اطاعتى حق تعالى اوزر بيزه واجب قيلارسه بو
تكليف تكليف مالا يطلاق اولور . واکر بز آنلري
ومذهبي ايلي بيلديكمز وقت كنديلرينه اطاعتى بزم
واجب قيلارسه بو حالده ده شو ايجابك برشي ايله
مشروط اولمى لازم كلور . يعنى نظم كريم
« واولو الامر منكم ان كنتم عارفين بهم »
تقدير بيزه اولقي ايجاب ايدر حالبوكه « اطيعوا الله
واطيعوا الرسول » قولى بويله برقيده ايله مقيد
اولمايدقتدن آنلره معطوف اولان « واولو الامر
منكم » قولنك دنخي برقيده ايله مقيد اوليوب معلق
اولمى اقتضا ايلر .

وجه ثاني — جناب حق بزه اولو الامر اطاعتى
امر ايندى اولو الامر ايسه صيغه جمعدر حالبوكه
رافضيلر عندنده برزمانده آنجق بر امام اوله
بيور . اكر جه جمع لفظي « تعظيم ايجون » فرد
واحد حل واطلاق ممكن ايسه ده بوده خلاف
ظاهدر .

وجه ثالث — جناب حق « واولو الامر
منكم » قولنك صوكره « فان تنازعتم في شئ فردوه
الى الله والى الرسول » بيوردى . اكر اولو الامر دن
مراد « امام معصوم » اولسه ايدى . « فردوه الى الامام »
بيور ايدى . اويله ايسه آيت كرمه يي بزم ذكر
اينديكمز وجهله تفسير ايتك يعنى بوراده كي اولو
الامر دن مراد اهل حل وعقد اولان مجتهدين
عظام حضراتك مجموعيدر ديمك حق وصواب
اولدينى تحقيق ايلدي .

• ما بدي وار •

مصرده قانون اساسى مطبعه سنده طبع اولميشدر .